



**METODOLOGIJA  
ZA OCJENU APLIKACIJA ZA NAGRADU ZA BIZNIS  
LIDERE ODRŽIVOG RAZVOJA U BIH ZA 2023. GODINU**



Nagrada za biznis lidere održivog razvoja u BiH se organizuje na godišnjem nivou s ciljem promoviranja aktivnosti privatnog sektora u oblasti održivog razvoja zemlje.

Privatne kompanije već pokreću i poduzimaju hvale vrijedne aktivnosti i strategije koje doprinose ciljevima održivog razvoja kako na globalnoj razini, tako i na razini Bosne i Hercegovine.

Nagrada za biznis lidera održivog razvoja u BiH ima za cilj:

- prepoznati i istaknuti inicijative privatnih kompanija u realizaciji ciljeva održivog razvoja u BiH,
- motivirati druge aktere u privatnom sektoru da uvrštavaju ciljeve održivog razvoja u svoje poslovne modele.

I ove godine se kroz proces aplikacije pokušava pomoći kompanijama da uvedu izvještavanje na osnovu standarda Globalne inicijative za izvještavanje (Global Reporting Initiative GRI) tako da aplikacioni formular slijedi standarde propisane GRI i na kraju procesa kompanije dobijaju osnovu za izradu aneksa godišnjeg izvještaja o održivom razvoju na nivou kompanije.

Nagrada se organizira u okviru projekta „Okvir za realizaciju Ciljeva održivog razvoja kao temelj za održiv i inkluzivan rast u Bosni i Hercegovini (SDG2BiH)“ kojeg finansira Vlada Švedske, a provodi UNDP u BiH.

## Glavne teme i opći uslovi za aplikacije

Fokusi nagrade za 2023. godinu su **dekarbonizacija, inovacija i stvaranje novih kvalitetnih radnih mjesta**, kroz koje će se identificirati biznis lideri održivog razvoja u Bosni i Hercegovini za 2023. god. u dvije tematske oblasti, a to su “Ljudi” (kompanije koje kreiraju kvalitetna radna mjesta) i “Resursi i okoliš” (dekarbonizacija i inovacije).

### Tematska oblast “Ljudi”

Nagrada za biznis lidere održivog razvoja za 2023. god. u ovoj kategoriji dodjeljuje se kompanijama koje su inspiracija ostalim u stvaranju novih, kvalitetnih radnih mjesta zbog načina na koji daju doprinos razvoju lanaca vrijednosti temeljem suradnje s dionicima (SDG 12 i SDG 8).



### Tematska oblast “Resursi i okoliš”

Nagrada za biznis lidere održivog razvoja u BiH za 2023. god. u ovoj kategoriji dodjeljuje se kompanijama koje dokazuju da smanjuju svoj ekološki otisak kroz procese dekarbonizacije i inovacije procesa proizvodnje, kao i one koje imaju jasnu viziju i koje kontinuirano poboljšavaju svoje lance vrijednosti (SDG 12 i SDG 9).

### **Kategorije kandidata**

Nagrada za biznis lidere održivog razvoja u BiH dodjeljuje se mikro, malim, srednjim i velikim kompanijama koje se prijave za nagradu i popune relevantne upitnike.

Kategorizacija kompanija se vrši po važećim zakonskim propisima koji vrijede na teritoriji na kojoj je kompanija registrovana.

### **Nagrade**

Kompanije se mogu prijaviti za nagradu za tematsku oblast “Ljudi” i/ili za nagradu za tematsku oblast “Resursi i okoliš”.

Nagrada se dodjeljuje za najviše osam kompanija tokom svečanosti godišnje dodjele. Pobjednici će biti nagrađeni u četiri kategorije za ostvarene rezultate u dvije tematske oblasti (npr. pobjednik u kategoriji “Ljudi” za mikro, mala, srednja i velika preduzeća).

Također se predviđa i ukupni pobjednik takmičenja (Apsolutni pobjednik). Apsolutni pobjednik se bira među kompanijama koje su se prijavile u obje tematske oblasti i pokazale izvanredne rezultate u obje kategorije, te osvojile najviše bodova te time potvrđuju poštovanje GRI standarda i ostvarivanje SDGa.

Organizator Nagrade zadržava pravo da ne dodijeli priznanje u nekoj od kategorija, ukoliko se za tu kategoriju ne prijavi dovoljan broj firmi ili prijavljene aplikacije ne budu odgovarajućeg kvaliteta.

Ukoliko se u okviru neke kategorije prijavi manje od tri firme, one će biti pridružene aplikacijama u kategoriji koja je najbliža onoj u kojoj su konkurisali i imaće ravnopravan status za dobijanje nagrade.



## Kriteriji za ocjenjivanje

Ocjenjivanje vrši nezavisni *Panel eksperata*. *Panel eksperata* pregleda sve aplikacije i samostalno ocjenjuje sve pristigle prijave. Rezultate ocjenjivanja će potvrditi Komisija za evaluaciju UNDP-a i SDG Vijeće.

Rezultati pojedinačne procjene svakog člana Komisije će dati ukupan zbir bodova za svaku prijavu.

Deset prijava sa najviše bodova u odnosnim kategorijama biće u užem izboru i biće pozvane da dostave dodatne informacije na temelju kojih će biti ustanovljene tri prvoplasirane kompanije, koje će biti pozvane na završnu ceremoniju.

Sistem evaluacije se provodi u dvije faze i osam koraka:

### Prva faza:

1. *Komisija za evaluaciju* uzima u obzir sve prijave i vrši bodovanje kompanija u oblastima „Ljudi“ i „Resursi i okoliš“
2. Utvrđuje se po 10 prvoplasiranih (dakle, ukupno 80 firmi) kompanija u kategorijama:
  - a. „Ljudi“ - mikro, male, srednje i velike kompanije
  - b. „Resursi i okoliš“ - mikro, male, srednje i velike kompanije

### Druga faza:

3. Kompanijama koje su ušle u užu izbor šalje se dodatni upitnik na popunu
4. Pravi se rang lista kompanija koje su ušle u užu izbor i utvrđuju tri prvoplasirane kompanije u svakoj kategoriji
5. Prave se intervju s odnosne tri kompanije na temelju upitnika i vrši bodovanje
6. *Panel eksperata* pregledava ocjenjivanje kompanija



7. Na temelju utvrđenih bodova iz prve runde bodovanja te broja bodova iz druge runde, Panel utvrđuje pobjednike u kategorijama:
- „Ljudi“ - mikro kompanija
  - „Ljudi“ - mala kompanija
  - „Ljudi“ – srednja kompanija
  - „Ljudi“ - velika kompanija
  - „Resursi i okoliš” – mikro kompanija
  - „Resursi i okoliš” – mala kompanija
  - „Resursi i okoliš” – srednja kompanija
  - „Resursi i okoliš” – velika kompanija
8. Nezavisni Panel eksperata potvrđuje koja kompanija iz odnosnih kategorija je dobila najviše bodova u zbiru aplikacija za obje tematske oblasti i proglašava kompaniju Apsolutnog pobjednika Nagrade za biznis lidere održivog razvoja u BiH za 2023. godinu.